

殷契書錄

丹凌趙宗抃題



殷契書錄

孝威





我國學者籀繹文字許書而外非上稽鼎彝卽旁搜碑碣其所取材金石而已光緒中葉以降安陽小屯武乙之故墟發見龜甲獸骨先後數萬言乎文字乃在周孔之前言乎物質乃在金石之外積月累歲流播人間攻治斯學寢成風尙其墨景成書者禹域之中則有丹徒劉氏鶚葉氏玉森上虞羅氏振玉天津王氏襄其在遠西海東者則有英之明義士猶太之哈同日本之林泰輔其考釋成書者則有瑞安孫氏詒讓上虞羅氏振玉海寧王氏國維嘉興胡氏光燁而番禺商君承祚問字羅氏忠縣余君永梁親炙王氏是皆屬於浙江者也葉氏玉森及吾師三陳先生是皆屬於鎮江者也天津王氏襄南陽董氏作賓松江聞氏宥則在諸家之外亦各自名家者而林泰輔則又屬於日本者也摩肩相望愈究愈精商代世系之次第可得而

言也商周文字繁簡之變化可得而說也商周禮制之同異可得而徵也三十年來譚孳不已而書日衆表褻殷商蔚爲專業彬彬盛矣予少習詩書長嗜金石汲深縷短未嘗有所知也旣從丹徒陳先生游究心殷契之學立搜冥討勿勿數歲始稍窺其涯涘惟魯閭淺陋略無弋獲爲滋愧耳頃者人事稍簡仿晁陳之例爲目錄之輯觀記所及日爲一篇匝月而竟用以自悅不敢貽孔文舉少年喜謗前輩之譏也萃於是者三十餘書著錄考釋分類爲二校印後先據以爲序它如評騭斯學或旁及之者姑從略焉嗚呼學術無盡來者無窮訪古之士今方發掘於殷墟烏知續出之書不益著稱於藝苑乎予雖不敏願操觚俟之歲次庚午仲秋之月東台陳振東枕亞甫自序於無錫國學院尊經閣

殷契書錄卷一

東臺陳振東

鐵雲藏龜六卷

丹徒劉氏鶚輯鐵雲者劉氏之表字也是書六册前有劉氏自序及羅氏振玉序各一首王氏國維曰甲骨文清光緒戊戌己亥間始出於河南彰德府西北五里之小屯其地在洹水之南水三面環之史記項羽本紀所謂洹水南殷墟土者也初出土後濰縣估人得其數片以售之福山王文敏公懿榮（聞每字售銀四兩云）文敏命秘其事一時所出先後皆歸之庚子文敏殉難其所藏皆歸丹徒劉鐵雲鶚鐵雲復命估人蒐之河南所藏至三四千片光緒壬寅劉氏選千餘片影印傳世所謂鐵雲藏龜是也

見最近二三十年中國新發明之學問

按殷虛甲



骨文字拓墨影印流傳於人間者此爲嚆矢惟王氏謂文敏殉難其所藏皆歸劉鐵雲以予所聞則異於是文敏長君諱崇烈者曾出其家藏甲骨骨售與美洲人福開森氏予嘗於吾師陳墨迯先生處見拓本數十紙故知文敏所藏未盡歸劉氏也

殷虛書契前編八卷

上虞羅氏振玉輯自序有云骨甲古脆文字易滅今出世逾十年世人尙未知貴重不汲汲蒐求則出土之日卽漸滅之期矧所見未博考釋亦詎可自信由此觀之則蒐求之視考釋不尤急歟因遣山左及廠肆估人至中州瘁吾力以構之一歲所獲殆逾萬意不自歉復命家弟子敬振常婦弟范恆齋兆昌至洹陽采掘之所得則又再倍焉寒夜擁爐手加甃墨擬先編墨本爲殷虛書契前編考釋爲後編並

謀投効去官買地涇陽終我天年以竟此志乃逾年冬而國難作避地浮海將辛苦累蓄之三千年骨與甲者鄭重載入行笈而展轉運輸及稅吏檢察損壞者十已五六幸其尤殊者墨本尙存乃以一歲之力編爲前編八卷付工精印其未及施墨者異日當編爲續編而後編亦將次寫定云云按此書裝訂四册玻璃版景印極精乃出日本工人之手羅氏僑居日本時此編初售銀幣四十元歷十年乃增至八十元其值雖昂而近且無書矣遜清宣統之季羅氏在北方印有國學叢刊一書其中景印是編爲最初類次之本故不及在日本所印者之闊富且石版模糊不逮珂羅版遠甚

殷虛書契菁華一卷

上虞羅氏振玉輯羅氏自序略謂旣成殷虛書契前後編而所藏最

大之甲骨尙未入錄蓋以甲骨質脆恐或損其文字也云云此書所收大片皆用攝影法傳寫其文字而末二葉所附皆斷骨小片然其文字亦有可補前後編所未及者是知單文隻字亦自可珍矣羅氏介第振常嘗語吾師陳保之先生云其中最大之一片渠在河南從一土人手中得來僅費十九銀幣耳當日甲骨價值之廉如此記之以告世之談殷契掌故者

龜甲獸骨文字二卷

日本林泰輔輯自序有云光緒二十五年河北安陽縣洹水之南始出龜甲獸骨片片奇古且有文字別放一異彩矣竊嘗論之洹水之南卽所謂殷虛據真本竹書紀年則盤庚以來二百餘年所都宜矣奇品之埋藏如此其多也所刻文字變化百出不可端倪與金文及



說文或合或離象形假借尤多雖未能盡曉通自有條理秩然不可  
紊者其文大祇卜占之辭殷商帝王之名十存八九爲當時史官所  
掌殆無疑議嗚呼有周以前文獻闕如鐘鼎彝器亦不甚多而今獲  
此一科可不謂至幸哉云云是書據推古齋聽冰閣繼述堂三家所  
藏彙錄而成聽冰所藏最多推古次之繼述所藏僅二葉耳如卷二  
第二十八葉之十二版及二十九葉之二十六兩版皆贗鼎不可  
不明辨也卷一附鈔釋四葉卷二附鈔釋二葉凡可識之字書今隸  
於上而下摹卜辭之字惜解說亦未著何人鈔釋或者出林泰輔手  
耶按林氏別有甲骨文地名考予已著錄葉氏玉森詩有云東西林  
及哈原注林泰  
輔哈同亦復珍斷缺竊謂林氏於卜辭尙有研究哈氏則誠所  
謂欽其寶而莫明其器矣

鐵雲藏龜之餘一卷

上虞羅氏振玉輯此選鐵雲藏龜所未載者數十片而其墨本則爲劉氏曩日所遺劉氏旣往羅氏不忘故人之惠故弁言致悼爲尤深焉豈可以寥寥數番紙而少之哉

殷虛書契後編二卷

上虞羅氏振玉輯此書紙墨印刷之精美不減前編而其價才及前編十之一耳書林流傳共有二本藝術叢編所收者裝二冊集古遺文所收者裝一冊而冊較寬大其實皆一版所印也前有羅氏序盛稱哈同君爲印此編風義爲不可及乃檢豐義鄉人稿中載此序則將哈同之名改爲某君矣

殷虛書契待問編一卷

上虞羅氏振玉輯前有自序云宣統甲寅予考釋殷虛文字得可讀之字上不逾五百今年夏爲之校補乃增至五百四十餘合重文得字千八百有奇乃又最錄不可遽釋之字得千名合以重文共得千四百有奇兼旬而校錄竟爰書其端曰昔南閣祭酒作說文解字說解中注闕者數十字金壇段先生曰自序曰於所不知蓋闕如也凡言闕者或謂形或謂音或謂義觀乎是知許君之書蓋並不知其形音義三者諸文而悉載之矣顧厥後字書罕沿斯例惟吳憲齋中丞作說文古籀補附錄不可識之字之見古今文者於末篇爲能得許君遺意予往與同好嘗言晉世汲冢古文悉易以今字意不能無失束廣微輩雖博聞未必遽勝許祭酒乃一一寫定無疑滯殆亦如宋以來之釋金文者無一字不可注以今文而不復有闕疑也然宋以

來金文考釋古今之字並列行間有所違失得爲之糾正汲冢之書則原文不復存若當其寫定時將疑滯諸文附錄卷後吾知今日必有能糾其失而正其違者予今茲所錄蓋上師許君而引廣微以爲戒中大抵編中諸文古今異體者什二三古有今佚者十六七今日所不知者異日或知之在我所不知者它人或知之予往昔撰考釋所釋之文再逾歲而增什一吳中丞說文古籀補附錄諸子當日以爲不可釋今得確定者什百中亦恆二三此均其明驗矣闕疑待問敢俟高賢云云羅氏弟子商承祚亦嘗有殷虛文字待問編大率本之是書第析爲十三卷耳

按羅氏嘗於編中載卣字其說曰人偃日上竊疑羅說未確此字蓋卽說文訓頭瘍也卣之反文何以明之卜辭中從卣之字或作日或

作日也編中又載熒字羅氏說象灌地予按廣韻醑以酒沃地此殆醑之初文歟

殷虛卜辭不分卷

英國明義士輯按明義士嘗爲河南彰德長老會之牧師先後收得甲骨文字五六千片此卽五六千片甲骨文字之臨寫本也

非拓本景印

前有自序乃蟹行文大義謂常乘羸弱之白馬訪古於殷虛云云予聞明義士以歐戰亡於遠西是書洋紙印包腦裝在殷虛文字書中爲別開生面者而滬上某藥房代售須十二餅金也

馮壽堂所藏殷虛文字一卷

署名太隆羅詩氏輯雖寧姬佛陀類次以予所聞乃王氏國維編次者也當遜清之季劉氏鐵雲死於邊陲藏龜有千餘片爲其中表木



翁子沐所得丙辰歲冬卜翁售與哈同花園此戩壽堂所藏殷虛文字之由來也是書所錄不見於鐵雲藏龜者蓋十之八九云

簠室殷契類纂八卷

天津王氏襄撰有自序及王守恂華燾砩二序類纂云者依說文部居著錄殷契文也撮可識之字曰正編撮說文所無及不可識者曰存疑撮刻畫單簡而無偏旁可類次者曰待考又撮合文爲附篇此其編次之大略也至於所收各字皆於其下詳錄卜辭原文與羅氏考釋商氏類編僅於每字下注某書某卷頁者有別其解說多採王羅諸家而時參己見然其爲說固亦不能無訛葉氏玉森嘗於殷契鈎沈正其一二矣胡氏樸安曰此書雖少發明但查檢頗便

見文字編

實持平之論也

殷虛書契類編十四卷

番禺商氏承祚類次其自序云辛酉秋負笈於上虞羅叔言師之門始得窺其圖書彝器之富又知甲骨之出土者大半在師家又得師所撰殷虛書契前後編書契菁華書契考釋及殷虛文字待問編讀之然後知前所見之陋也師之書既行於世然數年以來手自增訂之處蓋不下數百科而待問編中存疑之字師與海寧王靜安先生又各有增釋蓋幾近十分之一師悉以授祚祚亦增釋得若干字又書契文字變化至繁一字異形動至數十師書不過舉其大凡祚亦增補得若干字因用說文分部次序將師書重行編次而以鄙說附焉王氏國維序云夫殷虛文字之學始於瑞安孫仲容比部而實大成於羅參事參事於宣統庚戌撰殷虛貞卜文字考甲寅復撰殷虛

書契考釋創獲甚多丙辰之夏復集殷虛文字之不可識者爲殷虛書契待問編參事與予續有所釋皆箋識其上其於考釋一書又大增損錫永乃彙諸書以說文次序編之其所自釋者亦十之一二精密矜慎不作穿鑿附會之說如編中釋公術楓壬犴猷諸字均極精確又如㊦字予釋爲解祇以從兩手判牛角與從刀判牛角同意錫永乃謂篆文之刀乃彡之省尤爲神悟嗚呼如錫永此書可以傳世矣按是書篇次之旨及商氏說字之最精者具見兩序爰撮錄之以當提要第十四卷後附通檢一卷

簠室殷契徵文一卷附考釋三卷

天津王氏襄撰徵文乃王氏就所藏之甲骨拓墨類次凡十二類曰天象曰地望曰帝系曰人名曰歲時曰支干曰貞類曰典禮曰征伐

曰游田曰雜事曰文字其帝系篇中有四祖丁及后祖乙爲他家卜

辭書中所未見者也王氏考四祖丁曰殷本紀殷諸帝及帝子名丁

者曰太丁沃丁仲丁祖丁武丁庚丁太丁

即文丁之諱竹書紀年作文丁可証

惟祖辛

之子祖丁居第四卽四祖丁也其考后祖乙曰后祖乙疑亦武丁之

異稱猶湯稱大乙稱唐之例武丁之後名丁而能見於卜辭者惟太

丁文而已帝乙乃太丁

文之子稱太丁

文爲父丁則父丁卽太丁文矣

故附於此此卜辭祖乙與后祖乙同舉而後之祖乙上加后字則同

名加字以別之之說愈足徵信以上二說可備著殷世系者之采擇

焉又按王氏考釋徵文典禮篇卯庚牛之庚及征伐篇之登人雖未

爲定論固可備一說矣

鐵雲藏龜拾遺一卷附考釋一卷